

PUOGAE YA MOPHATO 2

# Wendy Leruarua o boloka botshelo



**SETSWANA**

Maemo:

**3**

Buka

**3**



# Puiso e e kaelwang ya ditlhopha

## *Pele ga puiso*

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele barutwana ba buisa kgang.

## *Puiso ya ntsha*

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya sekwalwa kwa godimo.

## *Motlotlo*

- Botsa dipotso tsa tekathaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

## *Puiso ya bobedi*

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. (Tlhopha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuonng le mo tlotlofokong.
- Letla barutwana go feleletsa ditirwana tse di kaelwang tsa ditlhopha tse di tsenyeleditsweng kwa morago ga buka e. (Tlhopha ditirwana tse di lebaneng maemo a barutwana)



*Letla barutwana go diragatsa kgang fa e ba letla go dira jalo.*



*Barutwana ba tshwanetse go dira ditirwana tsa puiso ya ditlhopha morago ga puiso. Letla barutwana go bereka kana go dira ka ditlhopha go feleletsa ditirwana tse di maleba tsa puiso ya ditlhopha tse di tsenyeleditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwe mo dibukeng tsa bona tsa dithutiso.*


# Wendy Leruarua o boloka botshelo



Bogologolotala lelapa la ga  
Tlhapimetlae - le le neng le  
bopiwa ke mme, rre le bana ba  
bararo ba bannye - le ne le nna  
kwa botennye jwa lewatile le le  
botala jwa legodimo.



Mo maitseboeng, morago ga sekolo  
bana ba bararo ba ne ba thusa  
batsadi ba bona go phepafatsa  
legae la bona mo marulelong a  
dikhorale.



Lelapa la Tlhapimetlae le ne le  
tshela ka boitumelo mo lewatleng.  
Balelapa ba ne ba ja mpa  
mpolae mo marulelong mme ba  
babalesegile thata.

Go fitlha ka letsatsi lengwe ...



... fa lelapa la ga Tlhapimetlae le utlwa mongwe a goa ka lentswe le le kwa godimo.


“Thusang! Thusang! Thusang!”

“Ke mang yo o goang jaana?” ga botsa Mohumagadi Tlhapimetlae.

“Ke a gakgamala gore go ka tswa go diragala eng?” ga botsa Rre Tlhapimetlae.

“Re tshogile!” ga lela ditlhapi tse tharo tse dinnye.

Thusang!




Morago kotsi ya diragala. Ba bona Šaka Makakaba a tebetse Angie Tlhapimoengele wa batho.

Angie Moengele wa batho o ne a tshogile thata gore a bo a thumele kwa botennyetennye jwa lewatle gore a tshabele Šaka Makakaba.




Lelapa la ga Tlhapimetlae le ne  
la thusana go akanya. Ba thusa  
Mme Angie Tlhapimoengele  
jang?

Ba ne ba itse gore ke tlhapi e le  
nngwe fela e e neng e sa tshabe  
Šaka Makakaba.




Rre Tlhapimetlae o ne a leletsa  
Wendy Leruarua.

“Thusa! Wendy, thusa! Šaka  
Makakaba o batla go ja Mme  
Angie Tlhapimoengele. O mo  
kotsing e e seng kana ka sepe”.



Wendy Leruarua o ne a thumela  
go ya kwa legaeing la ga  
Tlhapimetlae.

“Tlaya ke thuse Mme Angie  
Tlhapimoengele,” ga bua Wendy  
Leruarua. “Ke mogolo e bile  
ke maatla. Ga ke tshabe Šaka  
Makakaba.”





Fa a ntse a thimotsa mogatla wa gagwe, a otlala Šaka Makakaba ka go mo thula le ka sebepi sa mogatla. Botshelo jwa Mme Angie Tlhapimoengele bo ne jwa bolokiwa.

Mme Angie Tlhapimoengele o ne a leboga lelapa la ga Tlhapimetlae mme a simolola go thumela go boela kwa ga gagwe - kgakala, kgakala le Šaka Makakaba.

“Wendy Leruarua o re bolokile e le ruri!” ga goa balelapa la ga Tlhapimetlae.

Botsalano ke go tshepana le go thusana.







šaka




dolofini




khudu ya metsi



sekolo sa  
ditlhapi



pitsewatle



tlhapimoengele

# leruarua

Leruarua le le botala jwa legodimo ke lona phologolo e kgolokgolo mo lefatsheng.



Maruarua ke diamusi mme a hema fela jaaka rona.


tlhapi e e  
motsu



tlhapijeli



tlhapinaledi



tlhapimetlae



# Ditirwana tsa puiso ya ditlhopha



1

- Bolelela tsala ya gago gore a o rata kgang e. tshegetsa karabo ya gago ka lebaka.
- O akanya gore go ka bo go diragetse eng fa Wendy Leruarua a ka bo a sa araba mogala wa gagwe?
- Tlhamela kgang e bokhutlo jo bošwa.



2

- Lebelela ditshwantsho tse 2 tse. Akanya ka ga dipotso tse di latelang mme o tlotle ka ga dikarabo tsa gago le tsala ya gago.



- Ditshwantsho tse pedi tse di tshwana ka eng?
- Ditshwantsho tse pedi tse di farologana ka eng?
- Lebelela setshwantsho sa ntlha. O akanya gore balelapa la ga Tlhapimetlae ba ikutlwa jang? Ke eng o akanya gore ba ikutlwa jalo? A o setse o kile wa ikutlwa jaana?
- Lebelela setshwantsho sa bobedi. Jaanong o akanya gore ba ikutlwa jang? Ke eng o akanya gore ba ikutlwa jalo? A o setse o kile wa ikutlwa jaana?
- Fa o ne o le tlhapi, o ne o ka ikutlwa jang fa balelapa la gago ba tlhaselwa ke šaka?



### 3 Araba dipotso tse di latelang:

- a. Batla mafoko a a nang le medumpuo e go tswa mo kgannyeng mme o a kwale:

tlh-    th-    ng

- b. Batla mafoko a a nang le medumo e go tswa mo kgannyeng kgotsa a o a itseng mme o a kwale:

ai    oo    ou    ua    ee    ea

- c. Batla mafoko go tswa mo kgannyeng a a nang le modumo 'y' mme o a kwale.

- d. Kwala mafoko a mo thanoding ya gago:

ditsala    tlhapi    leruarua    šaka

- e. Feleletsa dipolelo tse o dirisa matlama.

Leruarua le nna fa \_\_\_\_\_ ga metsi.


Tlhapimetlae e thuma fa \_\_\_\_\_ ga šaka.

- f. Kwatlola dipolelo tse di latelang di le mo pakjaanong.

Wendy o thumile a tlhamalaletse kwa khoraleng.

Ba utlwile mongwe a goa.

- g. Kwalolola dipolelo tse mme o tsenye matshwaopuiso fa go tlhokegang teng:



wendy o thumile a tlhamalaletse kwa legaeng la balelapa la ga Tlhapimetlae.

thusa wendy thusa

Wendy Leruarua o ne a thumela kae?



- 4 Buisa dipotso tse mme o bofilele tsala ya gago dikarabo tse di nepagetseng.

- Naya setlhogo sa kgang e.
- Banelwabagolo ba kgang e ke bomang?
- Kgang e e diragalela kwa kae?
- Balelapa la ga Tlhapimetlae ba ne ba lebane le kotsi efe?
- Tlotla kgang e ka mafoko a gago. Kwala dipolelo di le 4 kgotsa 5.
- Thalela polelo nngwe le nngwe setshwantsho go sedimosa temana ya gago.



- 5 Ikakanye o le Angie Tlhapimoengele. Kwalela Wendy Leruarua SMS (molaetsakhutshwe) o mo lebogele go boloka botshelo jwa gago.



# PUOGAE YA MOPHATO 2



Buka

3

<i>Leina kana setlhogo:</i>	Wendy Leruarua o boloka botshelo
<i>Puo:</i>	Setswana
<i>Maemo:</i>	Mophato 2 Maemo a Padiso 3 Buka 3
<i>Mofuta wa sekwalwa:</i>	Kanelo
<i>Mafoko a tlwaelo:</i>	balelapa, tshetse, maitseboa, bona, utlwile, ba, mmogo, itse, kgona, tshaba
<i>Tlotlofoko:</i>	tlhapimetlae, khorale, kotsi, goa, tshogile, šaka, tlhapimoengele, tshaba, makakaba
<i>Medumopuo:</i>	th-,tlh-, ea, ee,ou, ua, oo, ai
<i>Diteng, mareo le bokgoni:</i>	<ul style="list-style-type: none"><li>• Tlhagisamaikutlo a gago ka ga kgang mme o neye mabaka.</li><li>• Tlhamela kgang e bokhutlo jo bongwe.</li><li>• Tlhagisa gore maikutlo a tshwana le go farologana jang.</li><li>• Kwala mafoko mo thanoding ya gago.</li><li>• Tlatsa</li><li>• Naya mabaka a gore ke eng o nna le maikutlo a a rileng.</li><li>• Tlatsa dipolelo ka matlama.</li><li>• Kwalolola dipolelo ka pakajaanong.</li><li>• Dirisa matshwaopuiso ka nepagalo.</li><li>• Araba dipotso tsa tekatlhaloganyo.</li><li>• Kwala SMS ya go leboga.</li></ul>

CAPS e batla gore barutabana ba beele kwa thoko nako e e rileng ya go tota puiso ya ditlhophha e e kaelwang letsatsi le lengwe le lengwe. Puiso ya ditlhophha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhologanya e barutwana ba tlaa e tlhokang fa ba buisa.

Mekgwa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa', tekatlhologanyo le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiborutelong tsa bona.

ISBN 978-1-4315-2675-8



9 781431 526758



ISBN 978-1-4315-2675-8

**THIS BOOK MAY NOT  
BE SOLD.**



**basic education**

Department:  
Basic Education  
REPUBLIC OF SOUTH AFRICA

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

**Dibuka tse dingwe tse di  
mo Šelofong ya Puogae ya  
Mophato 2:**

Maemo: 1

Sisi o iponela tsala e ntšhwa

Ke botshelo jwa ntšwa

Pitse e tilodi e bone  
methaladi jang?

Jerry o rata go buisa

Maemo: 2

Bubu o a latlhega

Ke seo ditsala di tshwanetseng  
go nna sona

Pidipidinyana e e maswe

Maemo: 3

Baesekele e ntšhwa ya ga  
Bakang

Diphologolo di ya kwa  
lewatleng

Wendy Leruarua o boloka  
botshelo